

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 530 del 28/02/2023

Traduzione in mòcheno

De nai sperimentaltelevision ver de storische sprochminderhaitn van Trentin

Derno as s ist kemmen gamòcht der switch off van TML - Tele Sprochminderhaitn, der sender gònz gamòcht ver de storische sprochminderhaitn van Trentin, der Dinst ver de lokaln Sprochminderhaitn va de autonome Provinz va Trea't hòt tschbunnen za mòchen an sperimentaldinst va HBBTV (Hybrid Broadcast Broadband TV), de gamischeta television as geat durch s antennakabl ont s nètzkabl, de nai smart TV. S ist kemmen asou gadrukt de vournochricht, ver za nemmen au benns mechet enteressiarn en de òrbeter van sektor de doi òrbet ver za ibernemmen der doi sperimenta projekt ver an jor. S ist an dinst va trasmission durch HBBTV va video produktn as de sprochminderhaitn van zimbern, ladiner ont bersntoler, zan mearestn gamòcht as de earste sproch pet nochrichtn ont òndra programm ver za kennen, learnen ont ver de schualn aa.

Der projekt ist kemmen trong en Zòmtrèff van Sprochminderhaitn, der bichteste orgl as vourstellt de storischen minderhaitn sprochgamao'schòftn, as hòt u'ganommen de vourtschbinn. Dòs ver za meing gem en òlla de drai gamao'schòftn va minderhait s rècht za kriang nochrichtn za meing lisnen ont schaug en de aigene sproch abia as paschraip s provinzal gasètz.

S gadruck va de vournochricht, as gilte ist finz za mitto van ma'ta as de 6 van merz 2023, konnt men sa vinnen gònz as de sait va de Autonome Provinz va Trea't as en link:

<https://sicopat2.provincia.tn.it/pubblicazioni/#/avvisi/dettaglioavvisi?id=75&codiceSA=SA00000845&codice:>

Ibersetz gamòcht van Sprochtirl va de Tolgamao'schòft Hoa Valzegu' ont Bersntol

(cdt)